

陳振漢等編

順治—嘉慶朝 一六四四—一八二〇

農業編——第三分冊 上

清寶錄經濟史資料

陳振漢 熊正文 李 謚 殷漢章 編

清實錄經濟史資料

順治—嘉慶朝 一六四四—一八二〇

農業編 ———— 第三分冊 上

第三分冊(上) 目錄

第四章 清政府的農村賦役徵派

第一節 地丁錢糧

一、額定地丁錢糧

(一) 順治朝歷年地丁錢糧統計表

(二) 康熙朝歷年地丁錢糧統計表

(三) 雍正朝歷年地丁錢糧統計表

二、附加徵派

(一) 耗羨與其他明定加派

(二) 差徭雜派

1 兵差

(1) 清初兵差

(2) 雍正朝西藏、新疆軍事兵差

(3) 乾隆朝第一次金川軍事兵差	四七
(4) 乾隆朝緬甸軍事兵差	五三
(5) 乾隆朝第二次金川軍事兵差	五九
(6) 其他兵差	七〇
2 河工 城工	七四
3 其他差徭雜派	八七
三、衿紳勢豪侵蝕規避	九六
(一) 額定錢糧侵蝕規避	九六
(二) 差徭雜派侵蝕規避	一〇
四、蠲免緩徵	一六
(一) 政策法令和執行情況	一六
(二) 各省(區)的蠲免緩徵	一五三
1 全國及兼省地區	一五三
2 奉天	一九二
3 吉林	二〇七
4 黑龍江	二一〇

5	直隸		二一三
6	山東		二二四
7	河南		四三〇
8	山西		四五三
9	陝西		四八九
10	甘肅		五一九
11	青海		五八三
12	新疆		五八三
13	江南 江蘇		五八八

續於聊城、茌平等十縣，各設粥廠。如有外省饑民到境，一體賑濟，以廣仁恩。得旨：據奏務令窮黎咸各得所，無一人向隅，方愜朕懷。舉凡可以安全保綏之術，汝力所不逮，第據實奏聞。去歲各省俱慶豐稔，惟直隸、山東歉收，直隸料理甚妥，諒未必有流移至山東之民，汝但能撫恤本省百姓，不致遷離失業，則亦可告無愧矣。（世宗四〇、一八）

（雍正四、五、庚子）免山東德州、禹城等十六州縣，德州一衛雍正三年分旱災額賦有差。（世宗四四、二〇）

（雍正四、九、己酉）免山東德州、歷城等四十三州縣，濟南等五衛、東平一所雍正三年分水災額賦有差。（世宗四八、二〇）

（雍正五、八、丁亥）免山東鄒平等十縣、濟南一衛雍正四年分水災額賦有差。（世宗六〇、五）

（雍正八、一二、丁巳）諭戶部：今歲山東被水之州縣，朕心軫念殷切，已令地方有司，加意撫綏，又特遣大臣等，按戶查賑，併給以修葺室廬之資，其成災州縣之地丁錢糧及漕糧，併行豁免。欲使閭閻厚霑恩澤，咸登衽席也。頃又思該省既有被災之州縣，則本地所產之米，較少於平時，其不成災州縣，應有交官漕糧，若此時仍照舊徵收，則米穀之存於民間者較少，且恐因此而致穀價稍昂，未免輸將竭蹶。但查漕糧向無豁免之例，今年之暫免徵收者，出於朕之特恩，至不成災之州縣，尤難越格蠲除。今再四思維，著將東省不成災之州縣今歲應徵之漕糧，停其徵收，俾民間多留穀石，則民力自覺寬餘。俟明歲收成之後，令百姓照數交官。此項亦不必運送京師，即存貯本省，補完今歲散賑之倉穀。如此，庶於地

方大有裨益。著即遵諭行。（世宗一〇一、一二）

（雍正一〇、三、庚辰）免山東濱州、新城等八州縣雍正九年分水災額賦有差。（世宗一一六、一五）

（雍正一〇、一二、己巳）免山東泰安、滋陽等五十一州縣本年分旱災額賦有差。（世宗一二六、一二）

一一）

（雍正一一、八、甲寅）諭內閣：據山東巡撫岳濬奏報，東省歷年耗羨銀兩，現存庫銀七十五萬四千兩有零。從前豫省奏有存庫銀七十餘萬，朕已降旨，將豫省本年地丁錢糧蠲免四十萬兩，以加惠通省百姓，今東省亦應一體加恩。著將雍正十一年地丁錢糧，照豫省之例，蠲免四十萬兩，即以存貯之耗羨，照數撥補還項。該省督撫務飭有司，實力奉行，俾閭閻均霑實惠。（世宗一三四、四）

（雍正一一、一二、乙卯）免山東高唐、鄒平等二十七州縣本年分旱災額賦有差。（世宗一三八、四）

（乾隆一、一〇、甲申）諭總理事務王大臣：朕聞山東各府，今歲秋收俱稱豐稔，惟武定府屬之樂陵縣及濟南府屬之德平縣，有低窪被淹之鄉村。若就通縣地畝而論，均不及十分之一，實未成災，但被水之後，補種秋禾，收成未免減少。所有本年應納錢糧，或有艱於措辦。著該撫轉飭有司，將此二縣窪地歉收之戶應納錢糧若干，確實查明，緩至明年麥秋徵收，以紓民力。至於來春青黃不接之時，若有實在乏食窮民，並令有司動支社倉穀石，按戶借給，以資接濟，毋令失所。（高宗二九、九）

（乾隆二、六、壬戌）緩徵山東樂陵、德平二縣水災乾隆元年分地丁銀，并借給穀石，秋後免息還倉。（高宗四四、九）

(乾隆二、八、壬午)免山東濟南、泰安、兗州、東昌、青州等五府屬二十八州縣衛被旱災民本年額賦。(高宗四九、一〇)

(乾隆二、九、戊申)免山東濟南、泰安、武定、兗州、曹州、沂州、東昌府等屬德平等三十三州縣衛本年旱災額賦二萬五千八十兩有奇。(高宗五一、一二)

(乾隆三、二、己酉)免山東齊河、濟陽、禹城、臨邑、陵縣、德州、德平、平原、商河、惠民、陽信、海豐、樂陵、利津、濱州、霑化、陽穀、壽張、濟寧、聊城、堂邑、清平、臨清、恩縣、夏津、武城、樂安二十八州縣並濟南、德州、東昌、臨清四衛水災額賦有差。(高宗六三、一四)

(乾隆三、七、丁巳)免山東長山、齊東、濟陽、陵縣、肥城、陽信、蒲臺、曲阜、滕縣、曹縣、濮州、朝城、臨清、益都、壽光、昌樂等十六州縣、濟南、濟寧二衛役蝕未完正耗銀二萬六千四百七十八兩有奇。(高宗七二、八)

(乾隆三、七、甲戌)緩徵山東德州衛本年雹災新舊錢糧，並乾隆二年被水停徵之齊河、臨邑等三十二州縣、東昌等四衛，其本年新糧，亦緩至秋後徵收。(高宗七三、九)

(乾隆三、七、乙亥)免山東長山、寧陽、汶上、曹縣、鉅野、觀城、福山、高密、益都、臨淄、壽光、臨朐等十二縣雍正八年被水衝決田地無徵銀一千三百一十三兩有奇，並乾隆元二年未完銀兩，悉行豁免。(高宗七三、一〇)

(乾隆三、九、壬戌)免山東雍正十三年民欠幫貼河夫工食銀五千四百五十三兩有奇。(高宗七六、

一五)

(乾隆三、一〇、辛巳)免山東鄒平、新城、齊東、寧陽、鄒縣、泗水、濟寧、高苑等八州縣本年雹災額賦有差。(高宗七八、五)

(乾隆三、一一、戊辰)免山東招遠縣本年雹災額賦。(高宗八一、一〇)

(乾隆四、八、戊子)護理山東巡撫布政使黃叔琳疏報：濟南府屬之歷城、濟南衛、章邱、鄒平、長山、新城、齊東、齊河、禹城、長清、德州、德平、平原、德州衛十三縣衛，泰安府屬之泰安、肥城、東平、東阿、平陰等五州縣，武定府屬之惠民、青城、陽信、海豐、商河、濱州、利津、霑化、蒲臺等九州縣，兗州府屬之滋陽、魚臺、濟寧、嘉祥、汶上、陽穀、壽張、濟寧衛、東平所等九州縣衛所，曹州府屬之荷澤、曹縣、定陶、鉅野、單縣、城武、鄆城、濮州、范縣、觀城、朝城等十一州縣，東昌府屬之聊城、堂邑、清平、館陶、冠縣、臨清、邱縣、高唐、恩縣、夏津、博平、茌平、莘縣、武城、東昌衛、臨清衛等十六縣衛，青州府屬之博興、高苑、樂安等三縣，統計六十六州縣衛所，秋禾被水，請將應徵新舊錢糧，緩至來年麥熟後分年帶徵。下部議行。(高宗九八、二一)

(乾隆四、一〇、辛卯)〔戶部〕又議覆：護山東巡撫布政使黃叔琳疏稱，歷城、海豐、樂陵、蒲臺、濱州、利津、霑化、泗水八州縣，二麥被旱成災，應免起存地丁銀六千七百九十二兩零。應如所請。從之。(高宗一〇三、八)

(乾隆四、一二、癸酉)免山東金鄉、濟寧、荷澤、單、曹、臨清衛六州縣衛本年水災地糧銀六千七百

三十五兩有奇。(高宗一〇六、一二)

(乾隆五、二、癸未)免山東章邱、鄒平、長山、新城、齊東、齊河、德州、德平、平原、德州衛、泰安、東平州、東阿、平陰、惠民、青城、陽信、海豐、商河、濱州、利津、沾化、蒲臺、魚臺、濟寧、嘉祥、汶上、陽穀、壽張、濟寧衛、東平所、荷澤、單縣、城武、曹縣、定陶、鉅野、鄆城、濮州、范縣、觀城、朝城、聊城、堂邑、博平、茌平、清平、莘縣、冠縣、臨清、館陶、高唐、恩縣、夏津、武城、東昌衛、臨清衛、博興、高苑、樂安等六十州縣衛乾隆四年分水災額賦銀一十三萬九千七百七十三兩有奇。(高宗一一〇、一九)

(乾隆五、二、壬辰)免山東滕縣、金鄉、蘭山、郯城、日照等五縣乾隆四年分水災額賦有差。(高宗一一一、四)

(乾隆五、九、丁丑)諭：上年山東有被水歉收之州縣，朕屢降諭旨，令地方官加意撫綏。幸今歲雨暘應時，收成豐稔。惟是荒歉之後，元氣未復。其被水較重之東平、東阿、嘉祥、汶上、壽張、濟寧、金鄉、荷澤、單縣、曹縣、濮州、范縣、館陶等十三州縣，有帶徵之漕項等米三萬三千三百餘石，改徵之黑豆二萬二千四百餘石，俱應於今年徵收還項者。朕嘉惠小民，著將此二項米豆，分作庚申、辛酉兩年，隨同各現年應完之項，帶徵全完。則民力寬舒，不致竭蹶。該部即遵諭行。(高宗一二六、一二)

(乾隆六、七、壬辰)山東巡撫朱定元奏報：濟南、東昌二府屬被旱偏災，請緩徵錢糧，放賑接濟。得旨：是。雖屬偏災，被災之人，豈有偏全之別乎？所當加意撫恤者也。諭曰：朕聞山東禹城、齊河、長清、歷城四縣，自四月十五日得雨以後，至今三月有餘，雨澤愆期，境內禾苗乾枯。間有并未栽種秋糧

之地畝。高粱多長本而無實。粟穀多有穗而無粒。黑豆蕎麥，有出土僅寸許至數寸者。地方情形如此，何以朱定元并未剴切陳奏？若以爲一省之內，不過數縣缺雨，係屬偏災，無足介意，夫以通省言之，被災雖有偏全之別，而就一方言之，民既被災，其受困豈有區別乎？其作何賑恤，著該撫悉心籌畫，速行辦理，毋使一民失所。（高宗一四七、二四）

（乾隆六、九、己丑）緩徵山東歷城、齊河、濟陽、禹城、長清、章邱、齊東、肥城、平陽、茌平、陵縣、鄒平、臨邑、平原、清平、博平、高唐等一十七州縣本年旱災漕糧、黑豆。（高宗一五一、一五）

（乾隆六、一〇、戊申）緩徵山東歷城、章邱、齊河、齊東、濟陽、禹城、長清、陵縣、肥城、平陰、茌平十縣及衛被旱災田本年漕糧。（高宗一五三、三二）

（乾隆六、一二、己酉）免山東歷城、章邱、鄒平、齊東、濟陽、禹城、臨邑、長清、陵縣、平原、肥城、博平、茌平、清平、高唐十六州縣併衛被旱成災地本年應徵錢糧。（高宗一五七、六）

（乾隆七、三、戊子）緩徵山東歷城、章邱、鄒平、齊河、齊東、濟陽、禹城、臨邑、長清、陵縣、平原、肥城、平陰、博平、茌平、德平、高唐十七州縣被旱災地方乾隆六年分漕糧額賦。（高宗一六三、一六）

（乾隆七、六、乙巳）戶部議准：前署山東巡撫布政使魏定國疏報，東省濟、泰、東三府之歷城、章邱、鄒平、長山、新城、齊東、濟陽、臨邑、長清、陵縣、德州、德平、平原、肥城、東阿、平陰、博平、茌平、清平等十九州縣衛，麥禾被旱，請將新舊錢糧，緩至秋後徵收，以紓民力。惟各州縣秋禾，雖已仿舊籽種，但距西成尚早，應於存倉穀內，酌量借給。仍於秋後免息還倉。儘本處倉穀不敷，卽於隣近州縣撥還借給。

得旨：依議速行。（高宗一六九、三）

（乾隆七、八、壬寅）諭：上年山東歷城一十七州縣衛秋禾被災，朕特降諭旨，將應徵新舊錢糧，並漕米黑豆，一概緩至今歲及癸亥兩年帶徵，於麥熟後起限。嗣因今歲二麥不登，復緩至秋成後完納。現在秋收豐稔，自應按款輸將。但各州縣中，有疊被災傷之歷城等十三縣，今歲雖獲有秋，而民力未甦，舊欠新徵，令其一時並納，未免拮据。著將歷城、章邱、齊東、濟陽、長清、陵縣、鄒平、臨邑、平原、肥城、平陰、茌平、博平等縣，並歷城、章邱、濟陽、長清、肥城等五縣收井之衛地，除現年錢糧及帶徵六年之米豆照常徵收外，其應徵四、五兩年舊欠及帶徵六年之地丁，並災案出借之口糧籽種，概緩至乾隆癸亥年麥收後起徵，仍照例分年完納，以紓民力。又聞齊河、禹城、清平、高唐等四州縣並齊河縣收井之衛地，今夏雖勘不成災，究屬歉收，且去歲被災亦重。著與歷城等縣一例辦理。使小民餬口有資，輸將不致竭蹶。該撫卽遵諭行。（高宗一七三、一）

（乾隆七、一〇、己丑）免山東歷城、章邱、鄒平、長山、新城、齊東、濟陽、臨邑、長清、陵縣、德州、德平、平原、肥城、東阿、平陰、博平、茌平、清平等十九州縣旱災地糧銀二萬五千一百七十兩有奇。（高宗一七六、六）

（乾隆七、一一、丙辰）停徵山東濟寧、滕縣、嶧縣、金鄉、魚臺、鄒縣、臨清等七州縣衛水災舊欠錢糧，其本年漕〔漕〕糧及改徵黑豆，俱緩徵。（高宗一七八、五）

（乾隆七、一一、壬戌）加賑山東膠州、平度、蘭山、郯城、安化、諸城、昌邑、濰縣、高密、德州衛等十

州縣衛水災饑民並借給籽種，緩徵舊欠錢糧，其本年應徵錢糧，各按被災分數，分年帶徵。（高宗一七八、一四）

（乾隆七、一二、庚戌）免山東膠州、平度、蘭山、郯城、安化、諸城、昌邑、濰縣、高密、德州衛等十州縣衛水災地糧銀七千七百六十兩有奇，豁免高密縣衛沒社穀一百五十五石有奇。（高宗一八一、一七）

（乾隆八、二、乙巳）緩山東金鄉、魚臺、濟寧、鄒縣、滕縣、嶧縣六屬上年水災應徵漕米黑豆有差。（高宗一八五、一二）

（乾隆八、閏四、丙寅）諭：朕聞山東今年春夏雨澤愆期，二麥有歉收之處。查歷城、章邱、齊東、濟陽、長清、陵縣、鄒平、臨邑、平原、肥城、平陰、茌平、博平等十三縣，並歷城、章邱、濟陽、長清、肥城等五縣收井之衛地，有未完四、五、六年等舊欠錢糧，並六年災案出借之口糧籽種。因六年秋禾被災，七年夏麥不登，經朕降旨，緩至乾隆八年麥收後起徵。今屆開徵之期，而麥收又復歉薄，朕心軫念。著寬至本年秋收後起徵，仍照例分別緩帶，以紓民力。該部即遵諭行。（高宗一九〇、一四）

（乾隆八、七、壬辰）貸山東歷城、章邱、鄒平、長山、新城、齊河、齊東、濟陽、長清、肥城、東阿、平陰、青城、蒲臺、博興、高苑等十六州縣衛被旱被雹災民，免本年額賦。（高宗一九六、一八）

（乾隆八、八、丁卯）諭：山東今歲夏間雨澤愆期，齊東、陵縣、德平、德州、平原、惠民、樂陵、陽信、濱州、利津、商河、恩縣、夏津、武城十四州縣俱有被災之處。所有本年應納漕糧黑豆，例應十月開徵。朕念該州縣被災處所，雖輕重不同，收成均屬歉薄，按期輸納，實屬艱難。著將東省被災州縣本年應納漕

糧黑豆、及原有帶徵之處，視被災之輕重，分別年分，緩帶輸納，以紓民力。著該部卽行文喀爾吉善，令其查明具題辦理。（高宗一九九、一）

（乾隆八、九、丁酉）賑貸山東齊東、陵縣、德州、德平、平原、德州衛、惠民、陽信、海豐、樂陵、商河、濱州、利津、霑化、恩縣、夏津、武城、日照等十八州縣衛旱災饑民，分別蠲緩本年額賦。（高宗二〇一、四）

（乾隆八、一〇、庚午）分別緩徵山東平原、樂陵、德平、德州、陵縣、惠民、濱州、商河、齊東、陽信、利津、武城、恩城、夏津等十四州縣被旱災民新舊額賦。（高宗二〇三、九）

（乾隆八、一〇、甲戌）緩山東臨邑縣被旱災民新舊額徵。（高宗二〇三、一五）

（乾隆九、二、壬申）又諭：山東齊東等十九州縣衛被旱歉收，朕已降旨，將應徵錢糧照例分別辦理。但被災州縣，尚有勘不成災之地畝，例不在緩免之列。朕念此等地方，既屬薄收，自冬徂春，民食未免拮据。今當青黃不接之際，餬口維艱，若令其輸納國課，實屬竭蹶。著將濟南府屬之齊東、陵縣、德州、德平、平原、臨邑、德州衛、武定府屬之惠民、海豐、樂陵、商河、濱州、霑化、陽信、利津，東昌府屬之武城、恩縣、夏津、沂州府屬之日照縣南鄉并安東衛等十九州縣衛，應徵乾隆八年地丁及帶徵錢糧，寬至本年秋成後，再行徵輸，以紓民力。該部卽遵諭速行。（高宗二一一、一四）

（乾隆九、七、丁亥）諭：山東濟南府屬之歷城、章邱、鄒平、齊河、齊東、濟陽、禹城、臨邑、長清、陵縣、德州、德平、平原、德州衛、武定府屬之惠民、陽信、海豐、樂陵、商河、濱州、利津、霑化、青城、蒲臺、泰安府屬之平陰、肥城，東昌府屬之博平、臨清、高唐、恩縣、館陶，沂州府屬之沂水、蒙陰、蘭山、青州府

屬之博興、高苑、樂安等三十七州縣衛，勘不成災之地畝，應徵錢糧，例應輸納。但朕思各州縣麥收原屬歉薄，若因此時勘不成災，將新舊錢糧，一時並徵，小民未免拮据。著將乾隆九年應徵地丁，寬至本年十月後啟徵，其歷年舊欠，緩至來歲麥熟後徵收，以紓民力。（高宗三二〇、一六）

（乾隆九、九、己卯）諭：山東省上年被災較重之陵縣等八州縣，應徵帶徵米豆，朕已降旨，緩至甲子、乙丑兩年各半分徵。其被災較輕之齊東等七縣，所有米豆，各緩至甲子秋後完納。朕思十月即屆徵漕之期，自應按限催輸。但齊東等州縣，本年又有夏災，雖秋田幸獲有收，而民鮮蓋藏，尚須培養以復元氣。著將原報災重之陵縣、德州、德平、平原、惠民、樂陵、商河、濱州八州縣，應徵乾隆八年分緩帶米豆，再予寬限一年，俟乙丑、丙寅兩年各半分徵。原報災輕之齊東、臨邑、陽信、利津、恩縣、夏津、武城七縣，應徵八年分緩帶米豆，令其於本年各隨新漕完納一半，所剩一半，至乙丑年帶徵。至齊東、臨邑、陵縣、平原四處，應完六年帶徵米豆，亦令其於本年及乙丑年各半分徵輸。俾民力寬紓，不至竭蹶。該部即遵諭速行。（高宗二二四、九）

（乾隆九、九、癸卯）戶部議覆：山東巡撫喀爾吉善疏報，青州府屬博興、樂安二縣，秋禾被旱，業確勘情形，散給一月口糧，仍俟查明成災分數，題請加賑。其缺乏籽種貧民，動支採買麥石，俾得及時播種二麥，以資接濟。應如所請辦理。併令該撫將被災地畝新舊錢糧，暫停徵納。得旨：依議速行。（高宗三二五、二一）

（乾隆九、一一、乙亥）諭：山東青州府屬之博興、樂安二縣，今年有秋禾被旱之鄉村，朕已照該撫所

請，將災地新舊錢糧，分別蠲緩。今聞二縣未被災之處，卽本年夏麥被旱之區，秋禾雖未成災，而收成僅有六分，未免歉薄。若將錢糧照例起徵，民力難以輸納，朕心軫念。著將博興、樂安二縣內夏麥被旱、秋收歉薄之處，所有本年錢糧，緩至來年麥熟後徵收，以紓民力。該部卽遵諭行。（高宗二二八、一）

（乾隆九、一一、丁亥）賑山東博興、樂安二縣被旱災民，並緩新舊額徵。（高宗二二八、一四）

（乾隆九、一二、癸亥）蠲免山東歷城、章邱、平原、蒙陰、沂水、臨清、恩縣、鄒平、齊河、齊東、濟陽、臨邑、長清、陵縣、德平、肥城、平陰、利津、霑化、高唐、禹城、德州、惠民、青城、陽信、濱州、蒲臺、博平、海豐、樂陵、商河、高苑等三十二州縣衛旱雹等災本年額徵。（高宗二三一、八）

（乾隆一〇、二、己巳）免山東博興、樂安二縣乾隆九年旱災額賦。（高宗二三五、一三）

（乾隆一〇、四、乙巳）諭：山東武定府屬，地土素稱艱薄，兼以連年被災之後，元氣未復，去秋雖獲有收，而冬春雨雪稀少，種麥無多。今聞甘霖雖沛，小民東作方興，當此青黃不接之時，必無餘力以辦國課，朕心廼念。著將惠民、陽信、海豐、樂陵、濱州、商河、利津、霑化、蒲臺、青城等十州縣乾隆九年未完錢糧，十年應徵新賦，概緩至本年秋成後，按款徵收，俾閭閻得免追呼之擾。其乾隆八、九兩年出借口糧籽種，應於本年夏秋兩熟分別徵完者，亦著緩至秋收後開徵，以紓民力。該部卽遵諭行。（高宗二三八、六）

（乾隆一〇、五、癸未）又諭：從前山東連歲歉收，所有借給民間籽種口糧銀穀等項，俱應於本年麥秋後催徵還項。但朕聞濟南所屬州縣，如歷城、章邱、鄒平、齊東、濟陽、長清、齊河、臨邑、禹城、陵縣、德

州、平原、德州衛、長山、新城等處，上秋種麥，本屬無多，今春得雨稍遲，收成不無少歉，若將新舊錢糧，併令一時完納，民力未免艱難。著將此十六州縣衛，歷年舊欠錢糧，以及未完口糧籽種銀穀，概行緩至本年秋收後催徵完項，俾民間不致拮据。該部卽遵諭速行。（高宗二四〇、一八）

（乾隆一〇、九、丁亥）停徵山東濟寧、滕縣、嶧縣、魚臺、郟城等五州縣及臨清衛水災，海豐縣旱災額賦，賑貸饑民。（高宗二四九、八）

（乾隆一〇、一一、丙戌）諭：山東濟南、武定、東昌、青州四府屬內，自乾隆四年至十年，有被災之處，所有緩徵帶徵銀兩，例應按限徵收。今歲該省收成雖頗豐裕，但積歉之餘，元氣未復，若新舊並徵，民間未免拮据。著將濟、武、東、青四府屬內積欠之州縣衛所，除四、五兩年未完無幾，仍照例徵收外，其乾隆六、七、八、九、十等年被災案內緩帶錢糧，自乾隆丙寅年起，分作五年帶徵，每年徵完一年之欠，其歷年出借口糧籽種，亦著一例分年分案徵還，以紓民力。該部卽遵諭行。（高宗二五三、六）

（乾隆一一、七、丁巳）賑貸山東東平、魚臺、濟寧、汶上、蘭山、郟城、益都、博興、高苑、樂安、壽光、安邱、諸城、昌邑、濰縣、膠州、高密、寧海等十八州縣被水災民，並予緩徵。（高宗二七一、一五）

（乾隆一一、八、乙酉）賑貸山東金鄉、陽穀、城武、定陶、聊城、莘縣、臨清、福山、棲霞九州縣暨東昌、臨清二衛被水災民，並予緩徵。（高宗二七三、一二）

（乾隆一一、九、戊戌）賑貸山東滕縣、單縣、平度州三州縣被水災民並予緩徵。（高宗二九四、一一）
（乾隆一一、九、戊申）又諭：山東省東平等州縣，今歲秋禾偶被偏災，已屢降諭旨，發倉賑卹，其地